

```
<!-- /* Font Definitions */ @font-face {font-family:"Cambria Math"; panose-1:2 4
5 3 5 4 6 3 2 4; mso-font-charset:1; mso-generic-font-family:roman; mso-font-format:other;
mso-font-pitch:variable; mso-font-signature:0 0 0 0 0 0;} /* Style Definitions */ p.MsoNormal,
li.MsoNormal, div.MsoNormal {mso-style-unhide:no; mso-style-qformat:yes;
mso-style-parent:""; margin:0cm; margin-bottom:.0001pt; text-align:justify;
text-indent:14.2pt; mso-pagination:none; mso-layout-grid-align:none; text-autospace:none;
font-size:14.0pt; mso-bidi-font-size:10.0pt; font-family:"Arial","sans-serif";
mso-fareast-font-family:"Times New Roman"; mso-bidi-font-family:"Times New Roman";} h1
{mso-style-unhide:no; mso-style-qformat:yes; mso-style-link:"Заголовок 1 Знак";
mso-style-next:Обычный; margin-top:2.4pt; margin-right:0cm; margin-bottom:0cm;
margin-left:0cm; margin-bottom:.0001pt; text-align:center; text-indent:14.2pt;
mso-pagination:none; page-break-after:avoid; mso-outline-level:1;
mso-layout-grid-align:none; text-autospace:none; font-size:26.0pt; mso-bidi-font-size:10.0pt;
font-family:"Arial","sans-serif"; mso-bidi-font-family:"Times New Roman";
letter-spacing:-.45pt; mso-font-kerning:0pt; font-weight:normal;} h2 {mso-style-unhide:no;
mso-style-qformat:yes; mso-style-link:"Заголовок 2 Знак"; mso-style-next:Обычный;
margin-top:12.0pt; margin-right:0cm; margin-bottom:6.0pt; margin-left:0cm;
text-align:center; mso-pagination:none; page-break-after:avoid; mso-outline-level:2;
background:white; mso-layout-grid-align:none; text-autospace:none; font-size:14.0pt;
mso-bidi-font-size:10.0pt; font-family:"Arial","sans-serif"; mso-bidi-font-family:"Times New
Roman"; color:black; letter-spacing:-.8pt; mso-font-width:113%;
mso-bidi-font-weight:normal; font-style:italic; mso-bidi-font-style:normal;} span.1
{mso-style-name:"Заголовок 1 Знак"; mso-style-unhide:no; mso-style-locked:yes;
mso-style-link:"Заголовок 1"; mso-ansi-font-size:26.0pt; font-family:"Arial","sans-serif";
mso-ascii-font-family:Arial; mso-hansi-font-family:Arial; letter-spacing:-.45pt;} span.2
{mso-style-name:"Заголовок 2 Знак"; mso-style-unhide:no; mso-style-locked:yes;
mso-style-link:"Заголовок 2"; mso-ansi-font-size:14.0pt; font-family:"Arial","sans-serif";
mso-ascii-font-family:Arial; mso-hansi-font-family:Arial; color:black; letter-spacing:-.8pt;
background:white; mso-font-width:113%; font-weight:bold; mso-bidi-font-weight:normal;
font-style:italic; mso-bidi-font-style:normal;} p.a, li.a, div.a {mso-style-name:Ирмос;
mso-style-unhide:no; margin:0cm; margin-bottom:.0001pt; text-align:justify;
text-indent:14.2pt; mso-pagination:none; mso-layout-grid-align:none; text-autospace:none;
font-size:12.0pt; mso-bidi-font-size:10.0pt; font-family:"Arial","sans-serif";
mso-fareast-font-family:"Times New Roman"; mso-bidi-font-family:"Times New Roman";
color:black; letter-spacing:.1pt;} p.a0, li.a0, div.a0 {mso-style-name:Припев;
mso-style-unhide:no; margin-top:6.0pt; margin-right:0cm; margin-bottom:6.0pt;
margin-left:0cm; text-align:justify; text-indent:14.2pt; mso-pagination:none;
mso-layout-grid-align:none; text-autospace:none; font-size:12.0pt; mso-bidi-font-size:10.0pt;
font-family:"Arial","sans-serif"; mso-fareast-font-family:"Times New Roman";
mso-bidi-font-family:"Times New Roman"; font-weight:bold; mso-bidi-font-weight:normal;}
.MsoChpDefault {mso-style-type:export-only; mso-default-props:yes; font-size:10.0pt;
mso-ansi-font-size:10.0pt; mso-bidi-font-size:10.0pt;} @page Section1 {size:612.0pt 792.0pt;
margin:2.0cm 42.5pt 2.0cm 3.0cm; mso-header-margin:36.0pt; mso-footer-margin:36.0pt;
mso-paper-source:0;} div.Section1 {page:Section1;} --> Канон
```

**преподобному**

## Паисию Великому

Память празднуем 19 июня (2 июля)

### Тропарь, глас 2-й

```
<!-- /* Font Definitions */ @font-face {font-family:"Cambria Math";
panose-1:2 4 5 3 5 4 6 3 2 4; mso-font-charset:1; mso-generic-font-family:roman;
mso-font-format:other; mso-font-pitch:variable; mso-font-signature:0 0 0 0 0 0;} @font-face
{font-family:Calibri; panose-1:2 15 5 2 2 2 4 3 2 4; mso-font-charset:204;
mso-generic-font-family:swiss; mso-font-pitch:variable; mso-font-signature:-1610611985
1073750139 0 0 159 0;} /* Style Definitions */ p.MsoNormal, li.MsoNormal, div.MsoNormal
{mso-style-unhide:no; mso-style-qformat:yes; mso-style-parent:""; margin-top:0cm;
margin-right:0cm; margin-bottom:10.0pt; margin-left:0cm; line-height:115%;
mso-pagination:widow-orphan; font-size:11.0pt; font-family:"Calibri","sans-serif";
mso-ascii-font-family:Calibri; mso-ascii-theme-font:minor-latin; mso-fareast-font-family:"Times
New Roman"; mso-fareast-theme-font:minor-fareast; mso-hansi-font-family:Calibri;
mso-hansi-theme-font:minor-latin; mso-bidi-font-family:"Times New Roman";
mso-bidi-theme-font:minor-bidi;} .MsoChpDefault {mso-style-type:export-only;
mso-default-props:yes; mso-ascii-font-family:Calibri; mso-ascii-theme-font:minor-latin;
mso-fareast-font-family:"Times New Roman"; mso-fareast-theme-font:minor-fareast;
mso-hansi-font-family:Calibri; mso-hansi-theme-font:minor-latin; mso-bidi-font-family:"Times
New Roman"; mso-bidi-theme-font:minor-bidi;} .MsoPapDefault {mso-style-type:export-only;
margin-bottom:10.0pt; line-height:115%;} @page Section1 {size:595.3pt 841.9pt;
margin:2.0cm 42.5pt 2.0cm 3.0cm; mso-header-margin:35.4pt; mso-footer-margin:35.4pt;
mso-paper-source:0;} div.Section1 {page:Section1;} -->
```



Божественною любовью от юности распалюемъ, преподобне, вся красная яже в мире возненавиде, Христа Единого возлюбил еси, сего ради в пустыню вселился, идеже сподобися Божественнаго посещения, Егоже неудобь зрети и ангельскими очима, паде поклонися. Великий же Дародатель, яко Человеколюбец, рече к тебе: не ужасайся, возлюбленный Мой, дела твоя угодна Мне. Се, даю тебе дар: о коем либо грешнице помолитися, отпустятся ему греси. Ты же в чистоте сердца твоего возгорися, прием воду и прикоснися Неприкосновенному, умы нозе Его, и воду пив, даром чудес обогатися, болящия исцеляти, бесы от человек отгоняти и грешники от муки молитвою своею избавляти. О, преподобне отче Паисие, молю тя, да умолиши и о мне, якоже тебе Бог обетова, ибо от сих грешник первый аз есмь, да даст ми Господь время покаяния, и простит мое согрешение, яко Благий и Человеколюбец, да со всеми и аз воспую Ему: аллилуиа.

## Канон, глас 6-й

### Песнь 1

*Ирмос.* Помощник и Покровитель бысть мне во спасение, сей мой Бог, и прослаблю Его, Бог отца моего и вознесу Его, славно бо прославися.

Припев: Преподобне отче Паисие Великий, моли Бога о нас.

Иже вся умудряющему Богу молися, преподобне отче, о рабе своем, да отверзет ми устне недостойнии, и двигнет ми язык недоуменный, тесноту же и худогласие, отче, разверзи благодатию, иже в тебе Святаго Духа к пению чудес твоих.

Преподобне отче Паисие Великий, моли Бога о нас.

Начну убо достохвальное и душеполезное житие твое от младенства, иже древле Египет великаго во пророцех произнесе Моисея, иже к Богу присвоением и великими чудесы прославися, тако и ныне вторицею прославлен показася Египет тебе ради, отче Паисие, честным именем твоим и многими добродетельми обогатися, еже дарова тебе Господь, Егоже моли, да спасет души наша.

*Слава:* В Царство Небесное вшед узким путем и прискорбным по заповеди Владыки своего, Христа, преподобне отче Паисие, широкий и пространный путь возненавидев, распространившийся мрак ума моего отжени, да возмогу малое мое моление принести в пречестную память твою.

*И ныне:* Дух сокрушен подаждь ми, Благая, смиренно сердце, уму же чистоту и житию исправление, и прегрешением оставление.

### Песнь 3

*Ирмос.* Утверди, Господи, на камени заповедей Твоих подвигшееся сердце мое, яко

Един Свят еси и Господь.

Преподобне отче Паисие Великий, моли Бога о нас.

Каменю веры – Петру апостолу – уподобился еси, распяться миру во всей жизни своей, преподобне Паисие, и нозе свои невозвратно к Небесному шествию управил еси, и Горняго Иерусалима достигл еси, со святыми предстоя Святей Троице, моли о мне единого Благаго Человеколюбца.

Преподобне отче Паисие Великий, моли Бога о нас.

Благочестиваго корене пресветлая отрасль, тебе избра Господь, Ангел рече матери твоей: сей Богу угоден. Ты же от младенства крест свой взем, невозвратным путем Тому последова, и возрасташе леты и разумом, купно и благодатию Божию. Моли дати ми отпущение грехов.

*Слава:* О, Владыко Господи Иисусе Христе, кто не удивится Твоему человеколюбию, егда прииде желание преподобному иноческое житие получитьи к деланию заповедий Твоих, Твоею благодатию, яко агнец непорочен, изведешя в пустыню, и достиже словесных овец, и введешя к пастырю, блаженному Памве, и облечешя в иноческий образ, в немже утверди и мене, Господи, молитвами преподобнаго Паисия, к деланию заповедий Твоих.

*И ныне:* Лютых мя мук, и тмы кромешныя и геенны Твоими молитвами свободи, Дево, имаши бо волю и силу, Господа рождшая Единого Преплагаго.

## **Седален, глас 2-й**

Душу связав любовию Христовою и земная возненавидев вся, мудре, водворился еси, отче преподобне, в пустынях и горах, разумнаго древа вкусив еси, славне, ангельски просиял еси. Темже и мрак прошед плоти своея, тму отгнал еси бесов, Паисие, инокующим первый, моли Христа Бога грехов оставление подати чтущым любовию

святую память твою.

## Песнь 4

*Ирмос.* Услыша пророк пришествие Твое, Господи, и убояся, яко хочещи от Девы родитися и человеком явится, и глаголаше: услышах слух Твой и убояхся, слава силе Твоей, Господи!

Преподобне отче Паисие Великий, моли Бога о нас.

Законострадальческое житие от мягких ногтей восприим, богомудре Паисие, даже до конца пребыл еси Божественен доблественник, венец приял еси победы от всех Царствующаго молитвами своими избавляти от муки грешники, от них же первый есмь аз, не забуди мене.

Преподобне отче Паисие Великий, моли Бога о нас.

Имущи ты молитвенника крепка, блаженне Паисие, и обещника печальным, предстателя и поборника и ходатая благочестна, от всяких спасаемся бед, напастей и обстояний.

*Слава:* Велию судеб бездну имеяй, Тоя тебе рече: се, бо даю ти дар, да вся еже просиши от Отца Моего во имя Мое, дастся тебе, о коем либо грешнике помолишися, оставятся греси того: сего ради припадаю ти, отче Паисие, имея бездну согрешений, да отпустит твоими молитвами иже тебе обетова, яко Благ и Человеколюбец.

*И ныне:* Глагол провещай, егда право имам судитися, Богородительнице, к Сыну Твоему, Пренепорочная, да обрящу Тя тогда прибежище и заступление, мук всех избавляющи.

## Песнь 5

*Ирмос.* Из нощи утреннююща, Человеколюбче, просвети, молюся, и настави мя на

повеления Твоя, и научи мя, Спасе, творити волю Твою.

Преподобне отче Паисие Великий, моли Бога о нас.

Постом удручая тело свое отче Паисие, иногда по причащении Тела и Крови Христовы, яко Ангел семьдесят дней без пищи телесная пребыл еси, Божественную державу неизреченную имея, и возмог в себе животную содержати силу благодатию, паче пищевого укрепления, слава державе Твоей, Господи.

Преподобне отче Паисие Великий, моли Бога о нас.

Яко Иоанн Креститель узким и прискорбным путем ходити произволил еси. Но той на Иордане, узрев Зиждителя своего, устрасися и вопияше: не смею приступите сего Огню; ты же, отче Паисие, в пустыне иногда явльшагося Господа, не могий пречистаго Лица Его зрети, паде, трепетом одержим. Он же ти рече: не устрашайся, сию пустыню наполню спостники тебе. С нимиже молим, отче, не забуди нас, молитвенник твоих, помилованным быти.

*Слава:* Аз бо в начале моя пред Тобою зрю согрешения, и о моих беззакониях молю Твое милосердие, да простиши и покрывеши благоутробием Твоим множество грехов моих, и даждь ми прочее жизни сея время безгрешно проводить, да, удобь на спасения стезю потек, безпреткновенно к доброму концу достигну Твоею помощию, кроме бо Твоя помощи и наставления ничтоже благо совершити, и милость у Тебе получитьи кто может.

*И ныне:* Рабское приношу Ти моление, неразумный аз, и к Твоему прибегаю благоутробному милосердию, не отврати мене, Чистая, посрамлена.

## Песнь 6

*Ирмос.* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Преподобне отче Паисие Великий, моли Бога о нас.

Бездушная тварь, Иордан, своего Творца устыдися, вопияше: не могу Безгрешного омыти. Святой же виде Господа, прием воду, прикоснулся Неприкосновенному, умы нозе Его. И пив воду, прия дар целити недуги и прогнати от человек бесы. Сего ради и мы припадаем ти, отче: молитвами твоими помилуй нас от всяких бесовских наведений.

Преподобне отче Паисие Великий, моли Бога о нас.

По слову Господа нашего Иисуса Христа, обретохом тя, отче Паисие, великое прибежище, и заступника и тепла молитвенника о гресех наших, яко же первее не отверже инока преставльшася, и христианства отчуждишася и во глубину адову пагубным безверием низведся, и егда ощутився притекша к тебе, да умолиши Всемиловитаго. Щедрый же Господь явися тебе и глагола: угодниче Мой, добро есть Моей любви подобяся, печешися о грешных, изволяя муки прияти за их избавление.

Преподобне отче Паисие Великий, моли Бога о нас.

Принесесея молитва твоя и слезы к Богу, яко благовонный фимиам и жертва непорочна и благоприятна, и мене не забуди ходатайством твоим ко Пресвятей Богородице, слезы умиления дати ми, омый грехов моих бездну, избави мя от смертных глубины, и не надеющимся подаждь велию милость, и прости им согрешения.

*Слава:* Весь недоумением держим есмь, егда прииму во уме той час страшный испытания Судии и Бога, и плачуся, и сетую, и рыдаю, поминая бездну зол моих. Темже спаси, Человеколюбче, молитвами Твоего угодника преподобнаго Паисия и избави мя муки, яко Благоутробен.

*И ныне:* От сердца стенания приношаю Ти, Пренепорочная, Твое прося благопробитное заступление. Помилуй всестрастную мою душу, умилосердися, Мати Многомилостиваго

Бога, избавити мя Суда и езера огненнаго.

Господи, помилуй (*трижды*).

Кондак, глас 2-й.

Житейских молв оставль, безмолвное житие возлюбил еси, Крестителю подобяся всеми образы, с нимже ты почитаем, отче отцев Паисие.

### **Икос.**

Христов глас услышав, шествовал еси во след Того заповедей, наг жития быв, отверг попечения, и вся стяжания, и имения, и братий своих, и любве матери, Богоносне Паисие, един в пустынях Богови беседа разумом, дарования приял еси, еже ми послы в песнях поюще, отцев начальниче, Паисие.

### **Песнь 7**

*Ирмос.* Согрешихом, беззаконновахом, неправдовахом пред Тобою, ниже соблюдохом, ниже сотворихом, якоже заповедал еси нам, но не предаждь нас до конца, отцев Боже.

Преподобне отче Паисие Великий, моли Бога о нас.

Многих грехов исполнен аз, и твоя молитва яко кадило благовонно исправися, отче. Бездну грехов моих потреби, и буяющее море злаго жития изсуши, и напоение гневное отжени, и целомудренный ум молитвами твоими утверди, отче Паисие.

Преподобне отче Паисие Великий, моли Бога о нас.

Наставника ты и молитвенника тепла имущи, и скорого помощника, яко стену тверду и забрало недвижимо и воеводу крепка и непобедима, молим ты: не забуди молитвенник твоих, избавляя от всякия печали и навет вражиих.

Преподобне отче Паисие Великий, моли Бога о нас.

О, чудо велие, во един от дней сидящу ти, отче Паисие, в пещере, бысть ти глас глаголяй: мир тебе, возлюбленному Моему угоднику, ты же возстав со страхом и трепетом одержимь, паде, поклонися и рече: се раб Твой, Господи. Сего ради молим ты: моли Человеколюбца, да спасет души наша.

*Слава:* Дажь ми, Христе, разум и терпение, еже не осуждати согрешающих с кичением фарисейским, но яко мытареву покаяние приими, и яко блуднаго сына, Боже, вечера Твоя достойна мя яви, молитвами преподобнаго Паисия, и грехов прощение ми даруй.

*И ныне:* Возникни, о, страстная душе, возстани окаянная, бий из глубины в перси, и испусти слез источники, да ты помилует, окаянную, Милосердая Мати Христа Бога.

## Песнь 8

*Ирмос.* Егоже воинства небесная славят и трепещут Херувими и Серафими, всяко дыхание и тварь, пойте, благословите и превозносите во вся веки.

Преподобне отче Паисие Великий, моли Бога о нас.

Благодарно приносимое тебе пение сие не презри, отче Паисие, но паче приими и радости духовныя исполни, да без закоснения поклонюся твоему образу, идеже есть написан, исцеления всем подавающ.

Преподобне отче Паисие Великий, моли Бога о нас.

Всепремудрому житию поревновав Богоугодных отец, иже от века поживших, отче Паисие, во смирении и постничестве Христа ради всю жизнь свою мученически скончал еси, и от бесов нападения много претерпел еси, и сих победив. Сего ради молю тя, отче: буйство, ярость и небрежение молитвами твоими отрини от мене.

Преподобне отче Паисие Великий, моли Бога о нас.

Владыко Христе Боже Всещедрый, имиже веси судьбами, даждь ми ненавидети деянии лукаваго, Ты бо еси Бог наш, рекий: просите и примете. Даждь любовь от всея души моея, молитвами преподобнаго отца Паисия, творити волю Твою спасительную.

*Слава:* Молютися, на мне, грешнем, долготерпи, Владыко, и не посецы мене яко неплодное древо, посечением смертным во огонь отсылая, но плодоносна мя сотвори, молитвами преподобнаго умолен бывая, время покаяния ми даждь, яко Человеколюбец.

*И ныне:* Струи низпосли слез и стенания от души сотвори ми, Чистая, вегда припадати Твоему покрову, яко да обрящу разрешение грехов моих Твоею милостию.

## Песнь 9

*Ирмос.* Еже радуйся от Ангела приемшая, и рождающая Создателя Своего, Дево, спасай, Тя величающая.

Преподобне отче Паисие Великий, моли Бога о нас.

Скорый помощник был еси, преподобне, еще в жизни сей, иногда у преподобнаго старца ученику в преслушании умершу, и ведену во ад, он же припадаше, прося, да умолиши Всещедраго о ученице его. Ты же, яко скорый послушник и любве хранитель, надежду

возложи ко Всецедрому Богу прострися на молитву, и Той Многомилостив и во обетех неложный, волю к боящимся Его сотвори, и молитву твою услышав, изведе душу от ада. Того ради и аз недостойный, припадая, молю тя, отче преподобне, молитвами твоими избави мя муки и огня негасимаго.

Преподобне отче Паисие Великий, моли Бога о нас.

Бывша мя бесом смех, человеком унижение, праведным рыдание, Ангелом плач, осквернение воздуху, и земли, и водам, тело окалях и ум оскверних паче слова деяньми, аз враг Богу бых. Увы мне, согреших! Молитвами преподобнаго Паисия прости мя.

*Слава:* Яко впадый в разбойники и уязвен, тако и аз впадох от многих грехов и уязвена ми есть душа. К кому прибегну повинный, токмо к Тебе, Милосердному душам Врачу, прими молебника тепла преподобнаго Паисия, и молитвами его излей на мя великую Твою милость.

*И ныне:* Прегрешении мои умножиша, прошению и суду достоин, Чистая, припадая зову Ти: прежде конца подаждь ми очищение и умиление, и нравом исправление.

*Катавасия:* Избави от муки вечныя усопшаго раба своего (*имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*).

Господи, помилуй  
(*трижды с поклонами*).

## Молитва

Страстей победителя, душам помощника, о всех молебника, всем спасения ходатая и наставника, из глубины сердца воздыхая, усердно и пламенно молим тя, Паисие Преподобне! Внемли и помози нам, не отринь и не презри нас, но абие услыши в смирении сердца притекающих к тебе. Ты, преподобне, к спасению ближних прилежно стремился и многих грешников к свету спасения привел еси. Подвиги чрезмерные успокоением считал по себе, пречудне, и, любовью ко Господу всегда горя, явления Христа Спаса сподобился еси, и Ему, за людей Умершему, любовь подражая, и об отрекшихся от Христа молился еси. Услыши нас, Паисие прехвальне, ибо недостойны есмы